

Der im 2594. fl. dazu ein son / vnd 5. töchter /
 ist sein letzter will / das der son / den dritten
 teil / des gelts neme / das vberig sol vnder die
 töchter / zügleich geteilt werden / was gebürt
 yeglichem kindt. Facit dem son 864. fl. 5. lb.
 18. s. Das gelt / Subtrahir von der haubtsun-
 ma / Rest 1729. fl. 2. lb. 12. s. den töchtern zü-
 teilen / gebürt yeder / 345. fl. 7. lb. 8. s. $\frac{2}{3}$.

Item jr 5. haben züteilen / 675. fl. 8. zwölffer /
 was gebürt yedem. Facit 135. fl. 19. s. $\frac{1}{2}$.

Item ein Burger / helt an einem barw / 15. ar-
 beyter 21. tag / gibt yedem des tags 17. s. was
 ist im darauff gangen. Facit 21. fl. 5. zw. 3. s.

Volgen rechnung in gold

gerechent / den fl. für 20. schilling / den
 schilling für 12. heller.

Item ein stumpff Saffran / wigt lauter 43 $\frac{1}{2}$.
 lb. kost 1. lb. 6. fl. 16. s. 4. heller. Facit 296. fl.
 10. s. 6. heller.

	fl	s	hel.	
1	6	16	4	43 $\frac{1}{2}$

Mach die fl. zü s. vnd die s. zü heller / füre
 den bruch herfür / Stehets also.

	heller.			
2	1636	87		

E ij